

KBC|Thuso

Regd.No.19134/88
<http://www.kbc.org.in> NAI/220/99
No-G-4/Regd.Magazine/
KBCThuso/MNP-81

September/Lhagam 2021

KUM
57
Lhinna
So507



Christian Education

OCTOBER Events

YouthDay - 03

"Kapa theng eini pumkhat ih bang a amaho jong pumkhat
ahitheina ding un, Nangman amahohi hong in"

John. 17:11

Mission Department in Meeting Hall a touna ding in
Touna 12 achoh doh u lhandoh na ana um in ahi.



Salem Village, Sapormeina, Centre Church in asah Church Toilet
kot hon na Rev. Henkhomang Tuboi in ana neitai



KBC Women Dept. in Chate Project a manchah ding in Laptop khatana
lamdoh tan Pu General Secretary in Pathen heng ah lhadoh ria ananeitai.



CONTENTS

THUMAKAI HO

"LHAITET GOLSEH LE KUKITE"/ <i>Editorial</i>	2
Christian Themjilna le Adang/ <i>Rev. Dr.Thongkhosei Haokip</i>	4
"CHRISTA A KIPAH JING"/ <i>Rev. T.Thangkhomang Haokip</i>	9
Mission Column	12
Men Column	13
Women Column	15
Youth Column	17
TABITHA GIRLS HOSTEL TEZU,/ <i>ARUNACHAL FIELD</i>	21
Diary CENTRE CHURCH LE GAMBIH-HO	23
KUKI CHRISTIANTE LAH'A	28
AMASAPENHO	28
TAHSA LEH LHAGAO PUIHINGTHEI THUGOLHO	25
Servanthood Quotes	26
LHAMONNA THUTHOT	27

EDITORIAL BOARD

Chairman	: Rev. Tonglet Haokip, President KBC
Editor	: Dr. M. Thongkhosei Haokip, General Secretary
Joint Editor	: Rev. Onkho Haokip
Contributing Editors	: 1. Rev. Thongkholun Touthang 2. Rev. Lamkeng Lhouvum 3. Rev. Tongmang Haokip 4. Ms Tingneilhing Kipgen 5. Rev. Lunkhosei Tuboi 6. Rev. T. Thangkhosei Haokip
Design & Layout –	Pu S. Lenboi Haokip
Circular Manager –	Pi Vahboi Baite
Recorder –	Ms. Nemhoichong Haokip

THUSO LAHMAN

Church/Organisation/ DepartmentRs. 300/-
Individual Rs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 70895979446 Contact thei.
Circulation to kisai lam Mobile No. 9862107393 bol ding.

Editorial...



"LHAITET GOLSEH (OLYMPICS) LE KUKITE"

Editorial

"Lhaitet golsehnaa khu mi jouse lhaicheh jia ahi, ahivangin khatbouvinn hatman asangjin ahi, hichu nanghon nahet louvu ham? Nasan theina dingun lhaiyun. Chule, kibot ima hijongleh golseh jouving ting tia guttena chun ati chunguva atibah u ijakaiya atimhat jiuve."

1 Cor. 9:24, 25.

Amasatah in muntina um Kuki Christian chate jouse ahideh a KBC member ho jouse chungu i Pakaiyu Jesu Christa minin salaam kahinpe cheh uve. Issue masa chun Covid-19 venna dinga kikapna (Vaccination) ipijeh a ngaicha a chuleh ikikap diu ham ti thudol ina seiyun ahi. Tulha issue ah hin vannoi a Covid pandemic laitah hijong leh lhaitet golseh thudola kihoulim ding ihiuve.

Tukum jong ningkuma akipat phat bangin Covid chu March lha kichai vel chun ahung kipan thah kit in, hijong le gamtinna mihemte akehkhat vel lou kikap (vaccination) ahitah toh kilhonin lhaitet golseh jat chom chom mun chomchomah anakibolle. June lha chun Europe gamhoa dingin Euro 2020 chu London khopia ana umin, hichu football a bou ahi. Chule, hiche phat vel jong chun South America gam lama COPA



AMERICA 2021 chu Brazil gamah anaum in ahi. Chuleh, tuthah pena kihe Tokyo Olympics 23 July apat a 8 August gei ana umin, India in jong Gold medal 1, Silver 2, chule Bronze 4 vel anasangun, hichea medal sangho sum le jabolna achan danu, chukit le government a natoh hoitah tah ama state government in apen u ijauvin ahi. Manipur a nu (Ms Saikhom Mirabai Chanu) chun silver medal chasan vang chun State govt. in Crore in sumin apen, natoh jong lentah khat jong apeuvin, organization chom chom in jong alakh alakh in apeuvin ahile aminche keu hilouvin houna le inchen dohnan anei tan ahi.

Kukite hi malaiya lhaitet golseh tulai tobanga ana umlou vangin sakap them, ahat, tiho ipupate ana kija jingin ahi. Hinlah, Pathen ihin hou jouvun hitobang lhaitet golseh lamah hin kiphat lamna lentah nei tobangin akiu-min, athanom lou chula akihi sampoi. Apipen jong hi ahile hitobang government hihen adang hijong le Sunday (Pathen houkhom nikho ho kichuhna dinga ahintup jeh u jong hinte. Eiho lah a football hihen adang danga hijong le athem kiumda jilou ahi ti jong ihiuve. Ahin Meilhai le adang (Christiante Pathen houlou) te iphahlal nauhi adang ahipon, ama le ama kijona (self discipline) anei jeh u ahi. Eimi athem/aminthang hon ju-le-sa ahilouleh drug chom chom ahin neh tengu le midang phahna thei le achepaina thei umjilou ahitai. Hiche ahet jeh a Solchah Paul in kilhaitetna jona dinga 'guttana chun ati chunguva atibah u ijakaiya atimhat jiuve' atihi neileuhen Olympic dunga medal sanglah a ipan diu, Pathen, igam chule inam dinga loupina hinpolut ihidiu ahi. Khaiye khangthah golseho, Pathen leh igam/inam loupisah dingin kipatdoh taute. Lungluttah a simho jouse chungu Pathen vangboh chang cheh tauhen.

Christian Education

Christian Themjilna le Adang Akibah Iouna



Rev. Dr. Thonghosei Haokip
Secretary, Christian Education Board

ARTICLE

“Chapang chu achonna dingdola kilomin khoukhah-in, chutileh ateh geiya jong hichu asuhmil lou ding donlouva akoilou ding ahi. Prov.22:6.

“Pathenin ahaikhum Pathen lekhabua thu kisun chengse chu kihilna a kiphona a kipuijangna a chonphat kisin sahna dinga phatah ahi, chutia chu Pathen mi chu pha chamkim keiya thilpha bolna lama chamkim keiya kigosa dema aumthei na dingin.” 2 Timothy 3:16-17.

Thumakai:

Kumtinna ihinman jingu KBC Events Calendar dungjuja September Iha thupi hi “Christian Education” ahin, Pakai nikho masapen chu Christian Education Sunday itiu chu ahi. Hiche toh kilhonna Education, ahilouleh Themjilna lam ahitoh Ihon’a chungahung kitah doh thupi hi iki houlimna diuva deisah ahin, KBC thuso simjouse leh Houbung mithengte jouse i-Pakai Christa Jesu mintheng pen minin ngailut salam kahin peuve.

KBC tailouvin jong Protestant houbung danghon themjilna (education) hi Christianho le houbung ho panlahna ding hibe louva government mopohna a igel jeh un hiche lama panlahna hi ilhasamun ahi. Roman Catholic hon hichehi natoh lenpenin akoiyun, hichea kona houbung asemдох u ahi. Amaho bana Seventh Day Adventists ho

le Methodists hon ahinkhohsah jep uvin, KBC jaonan houbung danghon ministry kibol holah a aneo loiyin ikoiyun, hiche jong hi ning kitelna tah in akineiyin, lamkai kimkhat dingin kiseimona kihola agang theipenna thinlah ding lunggel jong aumdapoi.

Ahin, igeldoh kit diu chu, Christian missionary hon themjilna ana khohsah uve. Mission natos atamjo chu themjilna munhoa ahin pan jiuvin ahi. Baptist missionary masapen, Pu William Carey le aloi Joshua Marshman hon Serampore (West Bengal) mun le avela school 100 vel anaboldoh u ahi. Hiche school hoa hung seilen ho aban achebe theina diuva Serampore College ahin bol uva, Arts, Science, Commerce chule Theology jong akoi uva, hitia chu India mite lamkai pha sona dinga kichuhna muna dinga ahin bolu ahiye. Amaho tailou India sung hihen gamdang hijong le missiona field thah jousea chun missionary hon themjilna ah ahin pan jiuve.

Northeast a hung missionary ho koi denomination hui jong leh school ah ahin pan uve. Assam le Meghalaya a Serampore missionary holeh Welsh missionary hon Guwahati mun le Cherrapunji munah school apanuvin, Nagaland ah American Baptist missionary E.W. Clark in Ao-Nagahoh lah Aolijen, Makokchung munah, Manipur sahlama Ameri-

can Baptist missionary William Pettigrew in Ukhrul munah chule Thadou-Kuki Pioneer missionary Watkins Robert in Senvon ah, Mizoram a Robert Arthington missionary a hung Savidge le Lorraine in Aizawl le Lunglei ah aphut lhonin, Tripura a New Zealand Baptist missionary hon Agartala munah aphutdoh un ahi. Khonungin mission dang tampin aban ahinjomun houbung jong ahin kiphudoh tauve.

Ahileh, ipi jeh pena Christian Mission hon themjilna akhohsah u ham? Christian themjilna mun holeh adangho ipia kikheh uva, eihon jong bolkhoh ngaiya ham ti hi gellou theilou khat ahung hitai.

Asangjo Gelna (A Higher Perspective)

Christian themjilnaa hi muth-eilou, akidang ahilouleh mihema kon hilou toh kitongkhom ahi. Secular educationah vang mihem toh bou kitongkhoma, tu le hilai mun (leiset) a ding bouva kibol ahi. Christian education ah vang tu hinkho jeng hilouva tonsot thudol jong ahop ahi. Hicheho hi mun li hoa akimun ahi:-

1. Thuphondoh khat (A means of revelation). Mihem lungthim hi lampi saotah achetheiyin, Pathen kiphondohna jong ichan ham khat in ahilchen theiye. Ahin, mihem lungthim in ahilchen theilou phabep aumin

ahi. Jesu Christa thodohna, Pathen thuma akiphonna, chule adang dang tampi hohi mihem lunggelin ahilchen theilou ahiuve. Amavang tahsanna jalla Christian khat chun hicheho chu asan thei cheh ahiuve.

2. Pathen thudol akhohsah un ahi. Secular education hin mihema kipan a mudan le mihemte phatna dinga kigong a kichai ahin, Christian education ah vang thil jouse Pathena hung kipan a Pathena kichai ding ti ahi. Leiset hihen mihem akisemlona jong mihemtea kichaina hilouva asempa lungdei leh thilguon joh a kichaina ahi. Khat hi leiset alailunga umna hetna ahin, khat johhi Pathen alailunga umna hetna ahin, malaiya astronomer hon van lampang (solar system) a nisa le planet danghon leiset alailunga um avelkol u ham ahilou leh leiset le planet danghon nisa alailunga um avel u ham ti hetgilna neiho kinel banga, sun le jan akikheh banga kikhe ahilhonne.

3. Achesau ding thudol khohsahna ahi. Secular education chun mihem te kisah boina, tichu sum le pai, mihem te le akisah boipihou, sumkol veina (business), inchen-louchen (economy), thing-le-go (ecology), kivaihomna lampang (politics), mihem kivetona (social), chondan-khandan (cultural), chule adang dang thil phachuom

tampi akhohsah un ahi. Christian education chun hicheho chung vuma lhagao hikho, thijouva hinna, Pathen lenggam, Christa hung kile kit ding, thutan chaina, chule adang tampi jong aboipi tha'n ahi. Secular education le Christian education akikhehna alamchom jep a sei ding chun, mihemte le ganchate tobang ahi. Ganchate jong hi mihem banga lungchang aneioyu, thisan chule lhoh aneiyun ahi. Hinkho khat aneicheh un, ama le ama ak- itimat u toh kilhonnin apungun (reproduction), an aneuvuvun, ahai uvin ahi. Amavang mihem bouhi Pathen lim le mela kisema, adamlou surgery/operation abol thei uva, lekha le thusim ajih thei uva, thutanna (moral decision) alah thei uva, in thupipi asah doh uva, lenna imaho asem thei uva, chule Jesu Christa lima thoukit ding ahiu tobanga chu secular le Christian education chu akibahna tampi umjong leh kikhehna aneilhon ahiye.

4. Lhagao Puihoina ahi. Christian education ah hin lhagao theng in hetna apen, mihil/jilung in apangin, thutah hungkonna jong ama ahi. Lhagao natoh jallin Christian themjil pe khat chu ki-neosahna neiya eima le lekhabu ho chung kingam louva Pathen chung joh a kingapna anei ahi. Itobangin lekha them hen lang sangtah sim jong le lhagao jaolouva ga sodohna le lolhingtah seijui hina anei lou ding ahi.

Mihil jeng hilouva mihem kikhelsahna (Not Just to Teach But to Transform)

Secular education chun mihem khat chu aphajep, alolhing jep, afel jep chule thil hetah mi asem doh ahi. Christian education in vang mihem asemphat hilouva Christa lima akikhelsah soh ahi. Secular education chun leiset a kitoh dinga akigotsah ahin, Christian education vangin van gama kitoh dinga akigot sah ahi. Thilthah hetsah jeng hilouva lungthim semthah ding joh ahi: "Nangho tulai vannoi leiset chon hin chon hih un, Pathen lungdeilam, hichu apha lahthei leh phat chamkim hi ipi ahi nahetdoh thina dingun lungthah kengun lang limchom puvin".

Christian education hin mikhat chu hetna bouva akhan ding hilouva, seijui phatah semdoh ding atop ahi. Mihem hinkho kikhelsahna a pan alah ahin, Pathen natoh dihtah chu ahi. Christian education chun hitobang kihilna a kona anoiya kipe gun 5 vel asemdoh ding ahiuve:-

Christa a Kipehlut Chehna (Deepening Commitment to Christ)

Secular education chun lekha thep a chihna neiya, natohna le dinmuna lolhinna nei ding atop ahin, Christian education chun lolhinna sanga kitahna neiya Christa nungjui ding atop ahi. Secular education chun mikhat chu lekha athep a, hetna aneiya,

ja aumding agel ahin, Christian education chun ahetho chu alunga akoiya, Christa a kipehlut chehna le tohdoh thona dinga akigel ahi. Ahetna ho chu Pathen loupisah ding agot ahi.

Christa a khanletna (growing in Christ)

Christian education chun lhagao ga kisei ho chu ahinkhoa agadoh sahnom toh kilhonin hetna nei ding bou sanga hinkhoa umchan (character) semdoh ding atop ahi. Hetna neihin mi ahoitho sah jin, ngailutna hin chonphatna lamahmi akhantousah jin ahi (1 Cor.8:1b). Itobangin hetna sang nei jong leh aumchan adih a apha louleh panna neilou ahiye. Lungthim hetna le ngailutna lungchang chekhomna chu Christian education ahi.

Itahsan hinpi jouna (Showing Competence to Live out Faith) Christian education kiti chu Christa a ga sodohna thei dinga ihetna (knowledge), thepna (skill), thilto (experience) chule umchan (character) ngaiya ahi. Hicheho chu Pathen lungset le atohguon molso na dinga iman-chah diu chu ahi.

Christian khat chu mun thum vela thilbol theitah ahi angaiye:-

- Hetna (Knowledge). Thuchihbu in 'Mihema dinga hetna neilouva thanop/bolnom jengseh neiyana ima akiboldoh thei pon ahi' (Prov.19:2) atibangin, hetna hi

hansanna le thilboldohna ahi. Hetnahi manchah tobang ahin, Christian education a chu thsa lam thugil bou hilouva lhagao lam thugil jong ahethkhoma mipi lhing tah, tu le khonunga ania gomtoh thei dinga kigotsahna chu ahi.

- Lungthim (Emotions). Hetna dihtah chun lungthim atohkhah ji ahi. Thil khat ihet tohchet a ahileh kimoh umn thim pilou ahi. Mihem khat chu thilpha bolna thei dinga ama lungthim (emotion) ahin tohkhah teng le tohdohna dinga pan alah ji ahi.

- Natoh (Actions). Christian dihtah chun atahsan chu atahsoji ahinpi ji ahi. Seitho mai maiyin alungna chimpon, athil het chun alungthim atong kha'n, hichun natohdoh na ahin so ji ahi. Tulaia ihet hou itohdoh lou jeh uva boina tampi toh ichenkhomu ahitai.

Kinbolna a thilthah geljing (Creative in ministry)

Kinbolna hi mijousea akibah angaipon, athah thah pom theiya, mi bolkhah louho jong geljing thei angaiye. Mi bolman bouva bol ding hilouva, midangin abol lou ana umkhah jong le hichu bol thei dinga lunggelna chu ahi. Sapte paochamtuh in, "Necisty is the mother of inventions" atibanga, angaichatna chu taona toh kithoa umсах ding ngai ahi. Aboinahou amaho toh kitoh a akisuhtou angaiyin ahi.

Lolhingtah a Kijahtona nei (Effective Communicators)

Kijahtona kitih thu kilalut le kipedoh ahin, Christian te dinga itahsanu alailung tah a um ahi. Midang Pathen thu iseipeh noma ahile aphondohji ihetlouva ahile hithei deh lou ahi. Itahsanu miho seipehna dinga thil ni ngaiyah ahi.

- Thungai (Listening). Kijahtona lolhing tah chu mi thusei phatah a ngaiya kipan ahi. Thusei ngai phatah chu Pathen thu jah le hetna a kona hung um kit ahi.

- Simjing (Reading). Pathen thu le lekha phaho simjing chun tahsa hihen lhagaova ngaichat neiho jong thumop je le tilkhoulje aheth ding ahi.

Kipana sangpen Hetna (Knowing the Greatest Joy)

Christian education hin chapangho hinkhoa themjilna keo apeh hilouva tonsot a dinga kigotsahna kinbolna natoh ahijeh a chu kipana sangpen ahin, alo lhomhen lang, mundanga hiche sanga tohman hoijo le tamjo umjong leh min adalhah a hitobang kina kimanna chu ahi. Chapang khat chu achonna ding dolla khoukhah chun ahinkho lhum keiya akichin ding hetna chun inatoh ja umtah le thanop umtah soh ahi.

Lunglut tah a sim jouse chungapathen vangpeh chang taken.

“CHRISTA A KIPAH JING”

Philipi 4:4,

*Rev. T.Thanghomang Haokip
Pastor, Gambih No. 16*

ARTICLE

“Nangho Pakaiyah kipah thanom jingun, ti kitleu vinge kipah thanom jingun,”

Introduction

Van noi Lockdown hita, Global economy 3 percent chunglam ma kemsuh ta, business bol jouse deibanga um thei talou, Hou kaikhom na jouse ana kikhah ta, Mihem jouse kikulkhup dinga thu peh umta, mijouse, milen milal, athem aching jouse lungkham nan lodim ta, mivaicha hon hoija neh kaki hol a kaneh ding hitam tia lungkham gam ta, Covid-19, pandamic in Mihem hinkho tampi su mang ta, lungdon nale lungkham na in tulai tah hin vannoi alo dim laitah ahi jeh in hoiba ham kakipana? Epi hi baham kakipana ding?

BACKGROUND

Solchah Paul in hiche Philipi mite Lekha ana thot hi songkul/ jail aum laitah a ana sut a ana thot ahi tin Bible scholar ho le Bible them hon aseijuve.

PAUL THUSIM

Solchal Paul thusim achom lam tah in ana ve uHITE, pendol in ama-hi Jewish mi ahin thepna le hetgil na sangtah nei mi ahi, Law lam ma Jong them tah ahi akiti, hijeh achu ama hi Jewish te kiloikhom nah a lamkai (Pharisees) ho khat ahi. Aman YWEH kiti ana he in hinlah Jesu Christa chu Messiah ahi kiti pomlou mi chu ahi. Hiche jeh a chu Jesu tahsan ho le anung jui jouse suboi dinga phelna akilah

a ache chun Damasca khokeng a Pakai Jin vah in ana kimu sah in hiche nia pat Chun ahinkho lhum keijin Christa a kipa nan alodim in Jesu seijui/Solchah hi na na chu ana tong in ahi, ahinkho sunga kipa na thupha jalin ejat vei songkul ana tang hitam? Ejat vei song a ana se u hitam? Ejat vei Kong a akitol nah a Kong ana se hitam? Ejat vei gullin ana chuh a thi Lou? Ejat vei min thupha jal a ana voh

uhitam? Ejat vei mi seiset ana Chang hitam? ejat vei milen, milal ho ang sunga athu Kitan hitam? Hinlah thi thei na din mun le boi na ho jouse akon in Pathen in ana huhdoh in ahi.

Hichan geija hahsat nale Suh genthei na ana to Jing vang in “Keima din in hin chu Christa ahin, chule thi chu hamphatna ahi,” Philipi 1:21, ati thei hi evet ama hi van noi loupai naho le Leiset hinkho a hahsat na hung sohdo ho jouse sanga Christa a hina le kipa na anei hin apilhin sah jenge, hiche boina ho jouse hi ama chu asuboi jou poi ti kichen tah in akimu doh theije.

LHAGAO VA KALHASAM TAI TI AWGIN

Ahi le sopite egamsung uva lockdown ahung um Kal lha get lhina emu tave, hinlah dammo veiset na hi aphalam ama no pon Nat na joh hi apung tul tul Jon ahi. Hibang chun thi na lam ma Jong amachal Jing in ahi, hibang chu hou kaikhom na Jong deibang tah in atam jo kikhop na aum thei Lou phat in Kalhagao alhasam tai/ Lhagao lam ma akilhasam tai ti awgin muntina akija Jing tan ahi, Lang khat a sei ding in Lhagao lam ma kalha sam tai kiti hi seithei tah khat chu ahi nai ajeh chu kaikhom na umbehset talou, pathen thu Jong deibanga kingaikha beh talou, hou in che na ding lunga kigel na Jong umbeh talou, lhahsuh le lhahsam na chu um thei tah

ahi tai. Chu ti ahi jeh Chun sopite mitheng Paul in Pakaija dinga ahinkho afeh hi nop ni bou bou ham ahi Lou le thu le laa kitup nikho a ding bou ham, hahsat ni hihen genthei ni hijong le Pakai ja kipah taha hinkho mang a, pailha lou va chepi Jing tahsana pilhin na chu aman aju jinge ti emuve, chuti ahi jeh Chun Lockdown jeh in Kaikhom, Lenkhom, pathen thu ngai, chule pathen vahchoi khom, taokhom kiti ho deibang tah in um thei ta hih jongle Christa chu ahuhhing Pu le alengpa a kisan ho ding in hiche Nat na veiset nale lockdown um Jong le e lhagao lam hinkho hi kisuh boi sah Lou va pathen toh nakikah lhon nasem hoi/ nasuh tup a Pakaija dinga kigot tup joh hi ding in ekitem uve,

HUDSON TYLOR AKON NA KIHIL NA

Hudson Tylor hi China Gam ma dinga pioneer missionary ahin, pachat na lentah khat chu aman hiche gam ma aum sung in China culture and custom mangchapum in pathen na ana tong in ahi, chutia China te toh kivop thei le kisa thei ahung hi phat in pathen thu chu ol ol in ahin seipeh pan tan ahi, het ding khat chu China Gam hi communist gam pathen thu lut kiphal Lou na ahi nabah a pathen thu a kiman doh aum le gotna sangtah, songkul Chang ham, myrter chan kipeh na gam khat ahi, hitabang din mun na chu

golle Pai ja umle kivopi theija ahi phat uvin China miten Jong tahsan na ahin nei thei tauvin Jesu Christa chu ahuhhing Pu le a lengpa diu vin ahin kisan thei tauvin ahi, hinlah vangset umtah khat chu kumsom le kum ni (12 years) jou in hinkho a ding a ana kichen pi a in nei pin aleiset hinkho alha in Pa kom ma choldo in a ngaitah aji chule aisung mite dalhan anache Masa tai.

Aji ngai tah in adalhah nung a genthei, hehsoh, lunghel, lunggim, chule mitlhi Lon na le kana, boina tampi ato ding chu seilou va umsa ahi tai, hiche Chung a hi a insung miten epi aseih peh ding hitam? A Houbung le agamsung miten epi agel ding u hitam, hung kinung le tan ti chu bailam tah ahi, hinlah Hudson Tylor in a mission lamkai ho khat hiti hin Lekha ana thot e "My tears are more tears of joy than of grief," kamit Ihi lon hi lhaset na sangin kipa na mit Ihi ahijoi, tin Ana thot in ahi. Hijeh chun sopi hibang genthei athoh in Jong kipa na ahi ati thei hin Christa a apilhin na akimu doh theije.

NOIJA HIN PAKAI JA KIPA JING THEINA THULU HO

1. ILungput u Pakaija amun le aphaat dungjuija kinep nale kipana toh tho a umsa ding.

2. Na huhhingpu Jesu Christa jal

a Pathen le nang kijopmat na um ahi Sumil hih in.

3. Pathen Lhagao Theng toh kivop Jing in.

4. Pathen thu'n Chun naki patep na ho jouse jo sah ding gojon.

5. Suh genthei nale boina ho nachunga ahung lhun khah le phate Chan nang'in.

6. Pathen vahchoijin boina ho doujou ding in kigo in.

7. Kipahtah le thanom in Pakai na chu tong in.

8. Nisih in nalunga Pakai echunguva akitep naho lamkat Jing in.

9. Lungthim Suh to hilouvin, tahsan na dih tah joh in hinkho mang in.

A CHAI NA

Hijeh Chun sopi hiche sermon hi pha te sim in lang hoitah in ngaito in, hi Chun echung va boinale hahsa na tampi hung lhung Jong le Tahsan Cha khat hinajal in kipa na chu hoilai mun a, ahahsa Lai hihen, nop na mun hijongle Christa a kipa na pilhin sah Jing ute tia tem na ahi. Pathen in lunglut tah a sim jouse chung a phatthei boh taken. Sutkhel, seival aumkhah le pathen min in ngaidam kahinthum me.

Keima

Rev. T. Thangkhomang Haokip

Pastor, KBC no- 16.

MISSION & EVANGELISM REPORT

Rev Lamkeng Lhouvum
Secretary M/E KBC.

1. Missionary Lhingpineng @ Sherlyn Khongsai kithah doh ta.

Nisim 1/3/2021 nikho hin, Ng. Lhingpineng @ Sherlyn Khongsai Missionary nu chu Missionary Teacher khat din, Joujangteke mun a akithah tan ahi.

2. Faith Academy Joujangteke Sports Meet

Nisim 3/3/2021 nikho hin Mission Board Chairman Pu S Athang Haokip, Pu Haojakam DOUNGEL chuleh Rev Lamkeng Lhouvum, ama ho Cheng hi Faith Academy Joujangteke School a Sports meet a opening ceremony a Rev Lamkeng Lhouvum Chief Guest in apangin, Pu S Athang Haokip, Guest of honour apang lhonin ahi.

Hiche toh kilhon chun Elijah Prayer Mount Gothol mun vil lhah na jong akineijin ahi.

3. MISSIONARY CARE TRAINING

Nisim 4-5/3/2021 Nikho hin MBC Mission tohgon na boita Missionary care Training, Pastoral Training Centre mun Litan Sareikhong mun'a Pu Neka Vaiphei, Mission Board member Pu toh akipangin ahi. Hiche sunga kiseipen chu Missionary ho itih gelkhoh ding ham ti ahi.

4. KBC MISSION SUNDAY Houbung chom chom a kimangta.

Nisim 5-6/3/2021 Mission Sunday, KBC Houbung jouse a ana kiman-gin ahi. Hiche nikho hin Houbung houses Speaker arrange ana kibol joupon hijong Houbung ho jousen kipa tah in umang soh keijun kipa thu sang tah in kahin phongin ahi.

KBC Mission Sunday nikhoa mun chom chom a Speaker a che ho jouse tohkhom pi Pakai lhacha ho chung a kipa thu kahin phonge

5. Prayer day cum One day Seminar lolhing tah a kimangta

Achesa nisim 10/3/2021 nikho chun KBC Chepal hall mun a Indian Orphanage Mission hotoh Kin loupi tah akimang khom tan hiche nikho hin Missionary ho taokhom na leh IOM ho a kona resources Person chom chom ahung pangin ahi. Rev Dr M. Thongkhosei Haokip Lemna thu aseijin chuleh Mission natoh machal ding thu akisei khomun ahi.

6. Mission support Houbung thah vilna

Nisim 17th March 2021 nilhah in KBC Mission Board member Pu Neka Vaiphei, Pu Lienboi Singsit jaona in Mongpijang Baptist Church KBC No 4 vilna akineijin ahi. Mongpijang Baptist Church hi Tukum 2021 a patna Mission share kipe Chung chona Mission support Lhakhatna Rs. 7000/ din ahung pang taovin ahi. Pathen in phat thei boh jing tao hen

8. Mission Support Houbung Thah (Tuilelon B/C) vilna

Nisim 19-20 March 2021 nikho Saturday le Sunday nikho hin Tuilelon Baptist Church KBC No12 Houbung vilna akineitan ahi. Tuilelon Houbung hi Mission Share akipeh nao Chung chona Mission support a din Lha khatna Rs. 10.000/ peh din ahung kipedoh uvin Houbung vilna akineitan ahi.

Hiche toh kilhon in S. Lhangnom B/C leh T. Phaiacham Baptist Church KBC Gambih No. 12 Evangelist Jamthang Haokip leh Evangelist Lamthang Haolai hon vilna aneijin ahi. Pathen in Houbung mite Phat thei boh jing tao hen

9. Amranjan Mission Centre a dia Guiter kicho doh ta.

Nisim 23-26 March Sunga KBC Gambih 18 Karbi-anglong Khuding mun'a Pate camp akineitoh kilhonin Amranjan Mission Centre Fellowship a din Guiter khat skichodoh in Rev Tongmang Haokip Secretary Men Depth. KBC Pathen minin Khan doh na aneitan ahi.

Tuchung Mission Report achom lama kahin peh thei jeh in Pathen kathangvah e. Pathen in KBC Mission natoh vang boh jing taohen

Men Column

Men Department khan tounale natoh machal na achom lamtah in anoija hin report kahin pehthei jeh in pathen kathang vahe.

(1) khatna 36 th Men Department Council thu :-

Achesa Dt 24th August nin 2021 nin KBC Office munna 36th Men Council anakinei jin ahi. KBC Gambih NO. 1---21 Chan Gambih Lam-kaiho Councila Gambih atamjo ahung pang soh keijun, achung cheh uva kipathu sang tah in ahung kiphonge, ahila Gambih phabep ahung pang theipon Council Member changin phamo akisa lseh jeng in ahi.

Councila ahung pangtheilou Gambih ho :-

1. Gambih NO. 6 Tujang vaichong Area.
2. Gambih NO 10 Singat Area.
3. Gambih NO.14 Jangngoubung Area .
4. Gambih NO.21 Khopijang Area. chule Gambih NO.18 leave ahive.

36th Men Department Council a hungpang jousele Office Staff chang-toh Council Angkong jing An sokhomna/ nekhomna anakinei jouvin Devotion akipan tai.

Rev. Tongmang Haokip Secretary Men Department KBC Gambih wise in Roll call abolin, chutoh kilhon in, Devotion alan Bible Deteronomy 31: 1—2 asimin ahung kikhom chang tilkhounale kipa thu aseina aneijin chule Men Department natoh ho achom lamtahn repot apen mipin pathen vahchoina la akisakhom in mipin taokhomna akineijin PU Seikhohao Vaiphei President Men Depatment in taokhum khana aneijin devotion akichai tai.

Pu Seikhohao Vaiphei President in ahung kikhom changse Pakai min in lemna thu aseito kilhon in Council Meeting akipantai. Council a thil tampi akiseijin pathen lungsetna jalin kinel bamtamnale nohpahna imacha umlou in Council ana kichaijin Pathen kathang vah in ahi. Council Meeting akichai toh kilhon in Pu Kaikholim Haolai V. President in kipathu seinale vailhahna thu aseito kilhonin Council Meeting akichai tai.

(2) LOM RESOURCE CENTRE (LRC):--

(a) Pathen lungsetna jalin tuni chan geijin natoh ache lhajingin Pu Thongsei Haokip Chawkidar/ Care taker pan jong ajochan in nisehin na atongjing in chule sumle pai hahsa lseh jingle ama tolop/lhalo Rs 10000 (sangsom bouhi) lhaseh in akipejing in ahi.

(b) Tukum sungin Kolchu phung 4500 (sanglile janga) akiphut lutin ahi.

(c) Thingchangmai phung 400 (jail) akiphutin ahi.

GANCHA :- (a) Vohcha 5 (nga) akivah in ahi. (b) Vatot/Duck 100 (jakhat) akivah in ahi.

LRC munna natohna kipa thuphon:-

Gambih NO. 7. New kaithelmanbi Area Pate in Rs 10000 (sangsom) natoh na ding in ahintoh un nalen tah akitongdoh in Gambih Pastor Letkhoson Haokip le atohkhompi Pate Chairman Secretary chule gam-sunga Pate jouse chungcheha kipathu sangtah in ahung kiphonge pathen in pate akiloikhomnao phatthei boh jing jenghen.

(3) LRC Day kimanna :-

Achesa Dt 19th September (Sunday) ni KBC Evants Calender dung juijin LRC day ahitoh kilhon in mun chom choma kimangin

(3) Gambih Wise a Pate Camp kibolho :-

(1) Akhat channa Dt 23—27th March sungin Gambih NO.18 Assam Karbi anglong akhatchan na Gambih Pate Camp Khoding Baptist Church munna anakibol in Pathen lungsetna jalin lolhing tah in ana kichai in ahi.

(2) Anichanna Dt 20—24th April sungin Gambih NO.11 Sangaikot Area Gambih Pate Camp P. Khomunnom Baptist Church munna ana kibol in Pathen lungsetna jalin lolhingtah in anakichai jin pathen kathang vahe.

(3) Athum channa Dt 21—25th September sungin Gambih NO. 17. Chassad Area Pate Camp Lakhan Baptist Church munna ana kibl kitin Pathen lungsetna jalin lolhing tah in ana kichai in pathen kathang vahe.

Hiche Pate Campma kipa umtah chu Pu Thangjahao Haokip Chassad Housapu le kolgamma Molnoi Housapu Pu Thangmang Haokip le Church Pastor Ngampao Haokip lamkainan mi 10(som) ahung pangun kipa aum lseh jenge.Camp kichai jin Maokot Houbungle Chassad Houbung vilna akineikitin PuThangkai Haokip Maokot Haosapu le Pu Thangjahao Haokip Chassad Housapu vilnale tilkhouna Maicham semna agakinei peh in ahi.

Kipana thuphon:-

Pate Camp lolhin na ding a sumle paija panhinla C/C Church Kang-pohpi chule C/C Church Molnoi Area Houbung mite chule changvalla sumle paihintohho amichangcheh in aminu hung kiphong jouhih jongle sumle paija pan hinla jouse chule Sarengkhon/Lihtan Houbung miten jong Campma dinga kache langun Cha tuitahle nehthei tuitah einehsahun Camp kichaija kahung kile langun vailhunna Angkong bule mea tuitah einehsah kitun sumle pai hintoh chule thipha bolho jouse amincheh kiseijouhih jongle Convention Pate thakhel in kipathu sangtah in kahinphonge pathen in nathilto naochung cheha ajatjan phatthei naboh soh kei taohen.

Women Column

1. Webinar on Women & Mental Health:

Covid-19 Pandemic jeh in kikhop khom na aum thei tah lou jeh in Program kigong atam jo chelhathei lou vin um jong leh Pathen lungsetna jal in Zoom Apps mangchan July 25 leh 1st August, 2021 nikho teni hin Numeite leh Lungthim damna ti thupi mangchan Webinar ana kibol in ahi. Hiche a thuhil a pang chu Dr Kimneihat Elizabeth Vaiphei Assistant Professor PSW, NIMHANS ahin, numei tamtah in aphatchompi ding kinep na lentah akinei je.

2. Chate Camp:

Pandemic jeh in tukum a dinga Chate Camp kigong mun ni tobang



ana chelha thei hih jong leh atam jo ana kibol thei jin ahileh Pathen thangvah in um hen. Songjang Baptist Church KBC No. 6 a March 20-23, 2021 sung in ana kibol in camper 150 vel ahung pang in, KBC No. 18 Khoding mun a April 8-11, 2021 sung in ana kibol in camper 158 ahung pang in, S. Molcham Baptist Church a August 12-15, 2021 sung in ana kibol in camper 143 apang in, Tonglhang Baptist Church a August 25-29, 2021 sungin ana kibol in Camper 60 ahung pang in chuleh KBC No 12 a ding in Khomunnom Baptist Church a September 25-29, 2021





sung in ana kibol in Camper 275 ahung pang un ahi. Hicheng se a hin Mission in eina phal peh dung jui jun Thuhil ding (Jilkung) Team in ana kikal song in, Huhhing na thu leh Chapang ho tulai phat toh kitoh a Christian hinkho aman ding dan hou hilchah na leh kai hoi na aki nei jin ahi. Pathen jal a Chate tamtah in aphatchom pi tei ding kinep na



lentah akinei je. Houbung chuleh Gambih ho toh Convention Women Department kithokhom a kibol Program ahin ga tamtah aso tei ding taona leh kinepna ahi.



3. Women Council:

Lockdown jeh a Women Council phat avel vel in ana kivo chon jong leh Pathen lunsetna jal in August 25 nin KBC Head Office a ana kitou thei jin ahi. Council member mi 40 ahung kikhom doh in Council meeting lolhing tah in ana kichai jin ahi.

YOUTH FOR CHRIST

Bible Text: 2 Timothy 2:22



Nangma vang gol-lhan lai lungtup lung ngaiya konin jamin; chule chonphatna tahsan. ngailut. lungmon. chule lung thengsel'a Pakai henga tao ho toh pum khat hi na hicheng chu hadel'in. Vannoija Khangdong te ho dia malam ma kimai to pi ding apha hile ase hile anitin le anisih in apung jing in, ot-doh a kikangse pi thei ding aum lou jeh in ikimai to pi diu ho jouse masang nga idin jou thei nadiu va thahat na sang tah angai lheh jeng in ahi.

Khangdong khat na dia mulou lampi jot hinkho sung'a hin chingthei loutah a hung kalsong kha chu nahi le Kum som 30 jou teng le kish na hinkho nahin man pat thei din aum in ahi.

Vannoi hi Khangdong te velel le vejoulou tampi um na mun chule Khangdong Khangthah khat dia akimai to pi ding Vannoi nopsah na hoitho na tampi um na mun ho a Pathen lim le mel sel mangthei ding aniseh a nakimai to pi jing ding in aum in ahi. Hiche Pathen lim sel mangtheija chule Pathen angung nga kon na napui mangthei thule la hihen, mitna muthei thil hihen, nakol la jah tho thei thu hijong le, ahilou le tahsa sukha thei, sumangthei, chukit le neh le don chule hinkho sumang thei thil ho jouse hi khangdong khat hina a kipel thei thil hilou ahije, hiche ho jouse hi vannoi thil le lo ahiuvin, Pathen gou khol na mun na pangthei lou ngen ahiuvin ahi.

Hiche tabang na Pathen lim le mel sel mang theiya pang ho jouse hi nahin chopkhup jouva ahilou le najam sen jou va ahile Khangdong Pakaija dia kitah tah a pan la jing chu nahung hiding ahi. Hiche laitah chun, Nangma Christa a nahi napa chu ahin phon doh thei ding tin na ahi.

Khongdong te dia Vetjui thei (Model) ding pen chu Jesu Christa bou ahi.

Vannoi set na lah a leng Khangdong te ho in vetjui thei ding eiho adin koima aum pon ahi, Khangdon lai tah kiti hi asuse ding kichu laitah le lamdih lou lam tah a eiki pui mang thei najeng u mun lah ahijeh in vetjuithe i khat chu nei angaijin ahi, Hinkho lamdih a eipui dih thei diu pen chu Koima dang ah aum pon chule vet juithe i hinkho man doh nading in koima dang aum pon Jesu Christa teilou koima dang khat na khat cha aum poi ti hi I khangdon hoi laitah a suh mil lou din apha lheh jeng in ahi.

Khangdong hinkho iti teng le,

(a). Lhep lhah na (Temptation) a um nathe i ding adim set in eibom theijin ahi. Lhep na kiti hi Khangdong khat in apel thei lou beh khat chu ahi, ipi lamdol la lhep na nachan ding chu nahet lou beh ahin, hiche lhep na ho jo jou thei nading nga chu Ama sa pen na nanghi koija nahi ham (Who belongs to you) ti nakihet doh masat angaijin ahi, Nangchu Pathen cha khat hina chang khat nana hi khah a ahile, hichun nangma din mun nahin sem pih ding tina ahi. Nungah khat chun Gollhang tamtah dongma in kop-hen lang hile iti nama jong le kijumso te i ding chu hetsa ahin, amin put ding chu mikitah lou tittle chang ding chu hetsa hiding ahi, hiti jeh a chu Khangdong khat ihi naova koija kahi ham ti kihet na eima khang don hinkho suse thei ho masang'a kichih thei ding pa chu hatah a kiven tup jing ding angaijin ahi.

(b). Lunglhah dai nading (Depression) tampi ahung um doh nom jin ahi.

Khangdong khat in kinep lel na ham, losam naham khat ahin nei teng le Depress akinei nom jin ahi, ipi jeh a hichen geija chu kingaise a kinep na nei lou beh a hinkho masang ding kigel thei ji lou ham ti hi thudoh len pen in kakoi nom in ahi, Khangdon hoilai tah chule malam ma kinep na le lolhin thei nading tampi delthei na phat hoilai tah a hitabang lunglhah dai na kiti nei ding chu khangdon lai lunggel hilou ding dol chu ahi, hiche khomu chen lou na lungthim nagon pih le ahin kho malam a lolhin na sang tah nanei na ding nga nadal tan na pang jing chu satan ahi, ti nasuh mil lou beh ding angaije....

Hiche din mun na ding nahi nalai ja ahile, nagel doh ding lenpen na kasei doh nom chu Nang hi Pathen cha nahin, migam ma kholjin nahi ti hi ana-gel doh o, na Pa toh nasukhen thei ja pang ho chu na support lou beh ding ahin, najamsen joh ding ahi. Khangdon lai lungtup phah jou thei nading in phat hoi tah na anei jing'e ti sumil lou beh a kinep na to tho a kal nason jing ding chu poi-mo pen in kagellin ahi. Hiche

lungtup molso thei nading'a vetjui thei ding pen chu Jesu Christa tai-lou adang kagel doh pon ahi, hiche jeh chun natoh nabol jouse a na vetkah jing ding in Jesu Christa chu kilhen le chun nalhahsam ni jong le nakitil khou nathei ding tampi nahin kimu jing ding ahi.

Na khangdon hoilai tah chu mi vetnem thei din koi hih in:

Khangdong ho hinkho sung'a mi nu mipa te le sopi ule nao ten aphot jouse a kinep pi nao chu khonung teng le manchah phatah khat hung hiding ahi ti hi Khangdong ho jouse chung'a kinep na toh kimu tha hinkho chu ahi. Hiche hinkho hi koiman anung mu phah kit talou chu ahin mijousen hiche khangdon lai hinkho lhangaija pul dou mitam tah um jing ahi, ama ho khang nga ana boldoh jou lou hou hinbol doh jou dia nakinep pi nao alen in, chule amaho khang nga bol lou ding'a ana gel hou nahin bol kit lou diu va agel uva, chukit le khangdong masa hon ana jo jou lou hou nahin jo jou thei nadiu nikho chu anga jing'u chu ahi ti nagel doh diu kadeijin ahi.

Hitabang nga kinep pi umtah khangdong khat hinkho a ima cha joujou lou ding'a nakigel jing nga ahile, malam hinkho na neina phat sung chu nang'a dia genthei kipat na chule kisi na phat phatah a nahin man na hung hiding ahitai. "Tot na in mihon asei jiu vin, "Nakhangdon hoilai tah le nathahat lai tah a nabol lou chu bol lou ahitai" ana ti jiu vin masang chun kana hethem pon, tu hin kagel gella ahile, hiche khanglai phat hi Phat jouse eima khut na ana um dan kahin he doh bep in ahi, Zalen tah a hinkho man naphat, inop phat phat na kivali kon doh thei phat, ahilou jong le ingaito khat boldoh thei nadia phat kipeh jou jing na phat phatah chu ana hi in ahi. Hiche phat sung'a ima ihi jou lou uva hinkho ikisem doh jou lou uva ahile malam hinkho na tha-lhahsam jou nung'a ikimai to pi diu jouse chu kijou jou lou ding ahitai ti vang chu gel doh angaijin ahi.

Nangma vang gollhan lai lungtup lungngaija kon in jam in Khangdon lai ja lungtup kinei ho hi atamjo tahsa nopsah nale hoitho na ahilou le Pathen pan nathei hilou ho ana hinom jin ahi. Hiche lung put lung got na kon na kikangse doh thei le jamdoh jou thei khangdong ho jouse vang chu anun nom mi ahi keu u hilou va Akhangdon lai tah u suse thei thiltam tah akon na ongthol doh jou diu ahi ti katahsan in ahi. Hiche tahsa ngaichat na kiti hin masang hinkho ding apum gel doh jou jipon ahi, apet tah a ding vang chun lilai ja khelut kibang jeng nan te ahin lah hechi nopsah na kiti mun na hung oh-den jouse vang chu seitam beihella kana le jachat na gamtin ahin thoh peh diu achai na chan chu kisi na jeng'a hinkho ahin man diu ahitai. Khangdon lai lungtup ho a kon na kikang se doh/jamdoh thei nadia chu ipi ti bol ngai ham iti le.

(a). Chonphat tahsan nale ngailut na.

Hiche chonphat na kiti hi khangdong khat hinkho adia akilop pi pen, Von tabang ahi, Chonphat na kiti hin chonset na tampi adal tan jouvin chule set nabeh lou hel ahi, hiche Chonphat napon bang nga kisil thei ja mi ho tahsan hung chang thei kiti ho jouse chun Vannoi chonset ahin jo jou

jing diu tahsan na alen in ahi, chule Khangdon lai tah a thilpha bol jouna Ngailut na lungput nei chun ateh chan geiya dia midang ngailut na akilam doh jouding tina ahi, hiti jeh chun Gollhan/Khangdon lai lungtup jamsen jou nading in chanphat tahsan le Ngailut na kicon cheh din akitem uve.

(b). Lungmon pi hinkho nei angaije.

Khangdong konkhat hinkho ivet teng nga ahile lungmon pi thei lou beh khat aum teijin ahi, Ama ho chung'a akhun lungmon pi theina akinei jou pon chule tahsan thei najong ahang ji pou vin ahi, mikhat in I-Khangdon hoilai tah a lungmon pi na einei jou lou ding kiti chu hinlo jong um lou tabang ahitai, hechi lungmonpi thei lou hinkho mang ding chu tulai jin insung tamtah Khosung le Houbung'a anisih in ahung khang tul tul jeng tan igelleh lhaset jong aum in chule jachat jong aum lhez jeng in ahi, Nakhang don hoilaitah chu khat in nahin lungmon pi thei tei nadin tunin kithah gel phat in tin kahin tem nom cheh uve.

(a). Lungthengsel la Pakai heng'a tao ho toh pumkhat hina chu hadel lin Khangdong khat hinkho a muthei lou aman tampen chu then na hinkho chu ahi, hiche thengsella um jing hinkho chu Pathen in jong adeijin chule satan in jong adei mama jeng ahi, Hiche thengsella um hinkho chu asuse ding khat akon na kikangse ding chu hinkho man dan them ho ahiuve ti kasei doh nom in ahi. Hiche thengsella nanei nahinkho chu Pathen in ama a dia kitup keicha a mangcha dia nadei pih ahin, naki suh boh lou nading in, Lungthengsella Pakai heng'a tao ho toh kiloi khom, kipum khom jing ding chu hadellin del lin ati ahi, hiche then na hinkho chun nakhangdon hoilai tah chu aven jou thei pen din katahsan in ahi.

Hiti jeh chun Nangma Christa a nahin, Christa deibang nga hinkho mang din kahin tem me, koima kichu lhah sah lou din jong thoh hat tah a pang jing ding in kahin tem cheh uve. Chule Christa to nasukhen thei dia nahin ngailu jouse jong jamsen jou din Pakai belcheh u hite. Pathen in phatthei naboh cheh taohe

TABITHA GIRLS HOSTEL TEZU, ARUNACHAL FIELD

(A ministry of hope and enlightenment)

Sermon

25TH MAY 2017 Nikho in Rev. Ngamjapao General Secretary in hon-doh naleh thenso na ananeijin ahi. Hondoh le thenso ahito Ihonin Pastor Seiminthang Kipgen & family mopoh nanoijin july 2017 in College simlai ho akikoipantan ahi.

LOCATION

Tabitha Girls Hostel hi Tezu outskirts New Makailieng, Mismi Baptist Church Council (MBCC) Mission campus a um ahin chuleh Indira Gandhi Government College (IGGC) toh kinaicha Kilometre khat leh akeh bou a um ahi.

STAFF

Pastor Seiminthang = Hostel chaplain, Mess incharge, Care taker, Gate keeper.

Miss. Lhingneikim@neoshi = Hostel Warden & Office incharge.

Mrs. Juli Limbu = Cook.

HOSTEL STUDENTS REGISTRATION

2017-2018 kum a hin 9 students in registered ahinkibol uvin ahi.

2018-2019 kum a hin 13 students in registerd ahin kibol uvin, 4 students graduate theijin a um un ahi.

2019-2020 kum a hin 18 students in registered ahin kibol uvin, 5 students graduate in ahi.

2020-2021 kum a hin 13 students in registered ahinkibol uvin, 4 students graduate uvin ahi.

2021-2022 ahin 18 students in registered ahinkibol uvin, tutuhin student athah 18 toh alui 9 agom a 27 students akinei jin ahi.

HOSTEL PROGRAMES

Accademic session khat a hin programmes 3 vei akimangin ahi.

1. Fresher's day

Student ahungthah ho vailhun taopeh nale maban a alekhasim nau hihen hostel a aum nading uva tilkhouna chuleh kihet topina kin akineipin ahi.

2. One day sports and cultural night (Recreation Day)

Academic session khat a hin students ho group 4 in akihom in amahohi kisuh halpi na golseh a kitet nale talent show/ Jatvon ho vetsah na akineisahjin ahi

3. Farewell day

Students hohi tampi in registration ahinkibol ji vang uvin course lhingset a kum 3 umlung hi atamjipon hijeh in khat le ni aumlung hohi nasatah in kipapina thilpeh memento le mailam a ahinkho a din Pathen kom a taopeh na le vailhah na thupitah in akineipijin ahi.

PATHEN THU A KIPUIHOIDAN

Pastor Seiminthang le Ng. Lhingneikim @ Neoshi kakitho honin Wednesday nilhah seh in Pathen houkhom na kanei uvin chuleh Saturday nilhah seh in group wise Bible study kabol uvin chuleh Sunday a hin Sunday English Worship Service kanei jiuvin ahi. Pathen puihoi najal a nikhat le TGH a hostel nungah hohin Pathen tahsan a ahinkisan theidiu hi kinep na lentah pum a hapan pan a kipang ahin houbung miten taona in neigeldoh jingun.

TABITHA GIRLS HOSTEL NGAICHAT HO

1. Lupna, Table, Chair ase ho thahsem ngai.

2. Chapel hall cum Dinning hall.

Hichi hi kineiloulai ahijeh in tutu hin students ho an-neh na ahahsa lhez jengin hijeh in Hall alendeu khat Pathen houkhom nale an-neh na a mankop theidi khat hi nasatah in ngaichat khohpen khat chu ahi.

3. Vehicle for emergency.

TGH location hi town/khopi a kon a apamjep outskirts ahijeh in jankim a damlou emergency a manchah di gari kangli hi nasatah in ka ngai-khoh lhez jeng uvin ahi.

KIPATHUSEINA

Tuchan a Tabitha Girls Hostel a dinga taona le thilpeh a eikithopiu ka lamkai teu hihen, houbung le gambih level chuleh changval a amincheh kiphahih jong le kahejing uvin kakipa nau seijoulou kahin-phong uve. Pathenin phatthei na chamkim napejing tauhen. Tabitha Girls Hostel a kon a Pathen lenggam na itoh nau machal jing taken.

KAKIPAH E.

TGH Tezu Arunachal KEIMA

Miss. Lhingneikim @ Neoshi Warden

20/09/2021

Diary

CENTRE CHURCH LE GAMBIH-HO

Molphei Baptist Church ah tahsanna



Nisim 1/8/2021 (Sunday) nin KBC Gambih No. 12 a um Molphei Baptist Church ah tahsanna a mi 3 tuilut na kin ana umin ahi. Kin thempu in Pastor Lunlal DOUNGEL (Pastor, KBC Gambih No. 12) in ala in ahi. Nilhah in member thah lahlut na leh Pakai anjon jong ananei un ahi.



Nisim 24August 2021 nikhon Gambih. No.15 aum Women Department in Dk.10000 kithopina ahinnei utoh kilhon in taona le tilkhouna ahung neijun athilpha bol naova Pathen in maban a mapui jing unhen lang asang a hoijo boljou theina ding in phat-thei hin boh jing taohen - Warden LRC.

2021 Meithai Nikho

2021 Meithai Nikho: Events Calendar dung jui jin August 22 nikhon KBC Pumpin Meithai Nikho akimang in tukum Meithai nikho dinga thupi kilheng doh 'Pathen lung lai gil a cham jing Meithaite' ti thupi noiya Houbung kaikhom theina mun a umhon nom tah leh lolhing-



tah in amang un chuleh Kaikhom na um thei lou lai ho ding in KBC in Zoom service akibol jom jing in, tukum Meithai nikho Zoom Service a Speaker in Nu Boinu Mangte temna ana kinei jin ahi. Hiti chun aman jong kipah tah in Meithai Nikho thupi ngeitah Seoul khopi S. Korea pat in eihin seipeh un anom lkeh jeng in ahi.

Faith Gorkha Baptist Fellowship Church memberthah



KBC Mission field Chingmeirong mun'a Nisim 28 August nikhon tahsan thah mi 3 a umbetoh kilhon in lahlutna kin ana um in ahi. Tahsan thah member ho chu 1. Parlokshing 2. Gourav Pradhan 3. Uttam Pradhan ahiuvin amaho hi Rev. Jeeten, Manipur Nepali Mission field a Supervisor pu in tuilutsahna jong aneisah tan toh Ihon in Faith Gorkha Baptist Fellowship Church ah membership alatauvin ahi.

TAHSAN TUILUTNA



Khengjoi Baptise Church akon in khangthah 13 in tahsan tuilutna nisim 29-8-21nikhon Rev.Letkholal Haokip Gambih 13 Pastor khut in Baptiszed anabol tauvin ahi.

Lom Resource Centre Thakonna

1st September 2021nin LRC a thakonna Gambih No.7 Men Department in ana neikhom uvin, LRC share apeh kalval uva natoh nadinga dangka Rs 10,000/- (sangsom) chule Pu Paothang le insung mite Gambih Men Department Chairman in Rs 2,000/- (sangni) ahitoh



kit in achung chehuva kipathu sangtah in ahung kiphonge. Hiche project hi tohgon lentah khat ahin thale jung senna ding leh sum leh pai suhlut na ding jong atam in, hijeh chun koitabang Gambih hihenlang changval hijongle hitabonga Pathen natohna pan hinla nomho chu lem ahijing in nga ahijinge.

ANNGOL TAOKHOM:

Dt. 4/9/2021 (Saturday) nikho in T. Phaicham Baptist Church (KBC Gambih No. 12) mun a Gambih Nute ANNGOL Taokhomna Program lolhing tah in ana kibol in ahi. Hiche Taokhomna hin Gambih Pastor, Pr. Lunlal Dounghel in Matthew 8:2-3 a kon "Pakai Lunglhaina Hinkho" ti thupi ase in ahi. Hichi Taokhomna a hin Gambih sunga nute mi 180 val ahung kikhom doh uvin ahi. Pathen in Gambih No. 12 Nute phatthei boh jing taken. -*Pastor Lunlal Dounghel*

JAN KHOVAH A PATHEN KOM A TAOKHOMNA

Date 4th September Jan pung 8:30 PM a kipan Date 5 September jingkah pung 5:00 AM sunga, KBC Centre Church Salem Village Sapormeina houbung mite in houbung sunga ana kibol khalou *JAN KHOVAH A PATHEN KOM A TAOKHOMNA* chu mi 170 vel pan na in



ana nei un ahi. Hiche taokhomna achun, Rev. Henkhomang Tuboi, Church Pastor in thupi aseina "lgamsung u damna ding Lampi khat aume" 2Chronicles 7:14 akon in anei in ahi. Mipi thanom tah in, apat na a kipat in ajona geiya Gamsung, Convention sung, Gambih sung, Houbung sung, adang dang a Deacon jouse in taokhomna phatmun mun 12 gei aki mang khom in ahi. Pathen in gamsung, namsung, convention sung, gambih sung, houbung sung, insung, phatthei boh taken. -*Rev. Henkhomang Tuboi, Church Pastor*

BAPTISM PROGRAM:

Date 12/9/2021 (Sunday) nikho in Twilelon Baptist Church (KBC Gambih No. 12) a mi 2 in tahsanna a tuilutna Pastor Lunlal Dounghel, Pastor KBC Gambih No. 12 in apa Pathen, chapa Pathen chuleh lhagao theng Pathen min in ana neitan ahi. Nilhah in Antheng jonna (Pakai Anjon) akibol in chuleh member thah lahlutna kin jong ana kibol in ahi.

Dingpi Mission School mun a Vacation Bible School



Dingpi Mission School, Khangbarol muna nisim 25-28 August 2021 sunga Edify hon Vacation Bible School ahung bolpehnau lim ahivuvin, Edify ho chungu Christian Education Board in kipa thu seijou lou akiphonge. Pathenin a ministry uva lolhin chehna petahen.

KUKI CHRISTIANTE LAH'A AMASAPENHO

1. 1987 kum a Centre Government a Social Welfare Department a kon Sanctioned ana kimu dungjui a KBC Working Women Hostel Building amasapen ana kisadoh ahi.
2. 1991 kum in KBC in Jeep ana kineidoh pan in Gl. Songam Haokip chu Driver masapen anahi.
3. 1992 kum in Pastor Helkhotong Haokip chu KBC natongho lah a atohna kum (atahsa kum hilou) pension maspen in ana kisol tai.
4. 1976-83 sung in Pu S.N. Gangte chu KBC sung a Deputation masapen ding in KBC/KCA-CEEFI Secretary in ana kisol e.
5. 1990 kumin Pi Lhingjanem Haokip chu KBC Working Women Hostel Matron masapen in ana pang e.
6. Pu S.N. Gangte chu Indian Bible Literature, Onside School of Evangelism a Co-ordinator masapen ahi.
7. 1991 in Paokhohao (Haoneo) Haokip chu KBC P.A. to General Secretary Post masapen in ana kigoi in ahi.
8. 1982 kum in KBC sung Vocation Bible School (VBS) ana kibolmasapen in ahi.
9. 1976 kum in Mr Alun Haolai chu KBC Accountant cum Office Assistant masapen in ana kigoi e.
10. Pu Lhoukholal Lhouvum chu KBC sung a fulltime Education Secretary a kigoi masapen ahi.

~ Courtesy : KBC Thuchinbu

TAHSA LEH LHAGAO PUIHINGTHEI THUGOLHO

Khamnathei (addiction) hi eltolna ahipon, natna ioh ahi. Patep loubeh ding ahi. Loile pai hoa kuon kipatep'l kiboldoh nuom ahijin ahi. Naloi napai ding chingthei tah in kilhen thiem in. Napatep ma najohsah kal alonaje nahet louding kisih zongle chun vaigei ding ahi atai.

Leiset hinkho lunggimna, lungkhamna, lolhinlou fl•lhihcn leh lhasetna toh chekhom jing ahibouve, Kipana lungkhamna hi-zongleh ania permanent hilou, chemang thou thou ding ahijeh in, nasa behseh'a lahlouding

Asung'a um thupiho lahchom

Nhi. Hinkho hi golseh tobang ahin, najo najolou sanga nuomtah'a nakichep thupijo ahi.

Insung akhantou louleh khosung, vengsung, leh nampi khat khangtou thei louding ahi. Insunga chate phatna dingle khangtou theina din insung maicham aphapen in ahi. Insung maicham nahsah louvin koipou hite.

Lah sang in peh aphajoi kitih kisei maimai ahipon dihtah thuguh ahi. Peh kitih thilpeh sehseh sein ahipon ngailutna, khotona, khohsahna, tha'a kitopina ho jouse zong thilpeh ahije. Napeh tamleh namu tamding nalah tamleh nalha tamding ahi.

Kiletsah vangin koima alenpon, kineosah vangin zong koima aneodeh poi. Miching akineosah jeh in alen nin, mingol akiletsah jeh in aneolo e. Kiletsah in guol aheodah in kineosah leh nemmin guol ahoije. Leisetna guol hao chu sana dangka sang o-chat umjo ahi.

~ Courtesy: Kalbi 40

Servanthood Quotes

- *"As we look ahead into the next century, leaders will be those who empower others." Bill Gates*
- *"I don't know what your destiny will be, but one thing I do know: the only ones among you who will be really happy are those who have sought and found how to serve." Albert Schweitzer*
- *"Organizations exist to serve. Period. Leaders live to serve. Period." — Tom Peters*
- *"A genuine leader is not a searcher for consensus but a molder of consensus" Martin Luther King Jr*
- *"The first responsibility of a leader is to define reality. The last is to say thank you. In between, the leader is a servant." Max De Pree*
- *"Service is the very purpose of life. It is the rent we pay for living on the planet." Marian Wright Edelman*
- *"True leadership must be for the benefit of the followers, not to enrich the leader." John C. Maxwell*
- *"It is high time the ideal of success should be replaced with the ideal of service." Albert Einstein*
- *"...when you choose the paradigm of service, looking at life through that paradigm, it turns everything you do from a job into a gift." Oprah Winfrey*

Courtesy- Kalbi 40

LHAMONNA THUTHOT



(L) Pu Helthang Haokip

S. Saheibung Baptist Church a um Pu Helthang Haokip, tahsa dammona ana neijeh in anaki-jen jongleh Pathen phatsa hintin a inmun S. Saheibung KBC Gambih 7 mun ah gelphahlou in eina dalha tauvin, amahi tohkhompi Office staff Mr. Hegin Haokip apenna apa ahin Nisim 1 August 2021 eina dalhakit taovin. Office mun a kon in dalthei theijin ana kidal in lhamon na thu le a longdamsa opna a pan ana kila in, Tohkhom pi Mr. Hegin Haokip insung mite Pathen in umpi jotauchen. Lungmon lhamo na pethei Pathen in amaho insung ah lhagaovin umpi jing taken.

*Editorial Board,
KBC Thuso*



Office a manchah ding ngaichat phabep Printer 2 leh Computer UPS
ana kichodoh ho Pu General Secretary in Pathen hengah ana lhandoh tai.



Holistic Development Committee makaina in KBC Office mun ah Solar Lamp
nga (5) tundoh in ana um in September 30, 2021 nikho in Rev Dr Thongkhosei
Haokip, General secretary in thensonq ananeitai.
Hiche solar lamp hohi Pu Ginsuanhao, MLA Singnat in eihin peh u ahi.

Post Regd. MNP/81
Regd No. 18134/88



Convention Events toh Kilhon in Houbung jousen
Nisim 22, August Iha sung in akimang in ahi. Convention
programme nojah zoom mangchan kimanchahna aum in
tutua South Korea a um Nu Boiru Mangte in tilkhouna ana
mellu ahi.

If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173